

大乘 相八

陀羅尼曰

曩莫三滿路沒駄引南引唵引迦陵擬引婆  
囉訖引惹那佢哩<sub>二合</sub>惹麼帝引星賀麼訖引  
婆識嚕引佢囉<sub>二合</sub>鉢囉<sub>二合</sub>鉢帝<sub>二合</sub>罕婆識  
引彌額引麼梨額虎嚕冰識梨銘賀恒賀恒  
賀恒賀恒賀恒素那額縛囉引佢囉<sub>二合</sub>縛底

佛說守護大千國土經卷下

相九

粟耶齋塗寶國常釋言寺傳法師藏消顯金地護詔譯

是時索訶世界主大梵天王及天帝釋護世  
四大天王即起禮佛同聲白言世尊唯願以  
此守護大千國土大明王威神之力護持我  
等各并眷屬及餘一切諸衆生類令得安樂  
方鑒

賀悉底<sub>二合</sub>額引縛囉縛底贊擎引梨縛囉顥  
切引你曳<sub>二合</sub>左左囉引左哩引婆縛<sub>二合</sub>賀  
引是時世尊復說此守護大千國土大明王  
陀羅尼時三千大千世界六種震動四方四  
隅所有一切藥叉羅刹步多鬼神出大音聲  
其聲可怖而作是言苦哉苦哉云何今日有  
是災難如我等衆今見破壞皆悉殞滅作是  
語已心懷愁惱是時

害心行不饒益者以是大明王陀羅尼而爲  
謫罰使令調順此大明王甚深經典佛之密  
印我今頂受不敢違越

是時世尊以是密印而印持之即說大明王

世尊變化大地爲金剛寶彼諸藥叉羅刹步  
多鬼神即坐於彼金剛之地以佛神通威德  
力故皆悉倒地諸藥叉羅刹步多鬼神恐怖  
轉增四散馳走時護世四大天王即變四方

周匝火焰炎熱熾盛無有去路彼諸藥叉羅刹步多鬼神見是事已展轉惶怖走向虛空是時索訶世界主大梵天王承佛威神於虛空中現大鐵蓋高七多羅樹周徧普覆彼諸藥叉羅刹步多鬼神徘徊空中終不能脫是時帝釋天主於虛空中即現山石劔戟弓箭槍稍及以樹木如雨而下即於是時此索訶世界中復有五千大藥叉以是大明王陀羅尼威神之力自縛而來皆集佛會心懷恐怖身體戰慄猶如瘧病頂禮佛足在一面住合掌向佛而作是言大沙門憍荅摩常以大悲拯接群品利樂救護一切衆生大沙門憍荅摩我今怖懼無能救濟惟願大悲救護我等令免斯苦

爾時世尊語諸大藥叉羅刹步多鬼神等言汝等當知從今已去奉持我法受持戒行不得違越汝等若有不順我語者如殺父母殺阿羅漢破和合僧出佛身血亦復如是若諸

相九

二  
山

藥叉等違我法印不順我呢者爲大明王棄擲於地頭破七分身體骨肉悉皆碎壞若復藥叉得種種病身生斑黑不能飛空常墮於地汝今當知若有此守護大千國土大明王經所在之處不得違越自恣其意當順佛語令汝安樂時彼諸藥叉羅刹步多鬼神人及非人奉佛教勑各還本處毗耶離大城王及人民悉得免離一切災難彼毗耶離大城一切飛鳥鸚鵡舍利及俱枳羅鴟鷦孔雀有如是等衆鳥和鳴出妙音聲皆作是言如來大悲演斯妙法利益安樂一切衆生我等今者不爲藥叉及羅刹婆步多鬼神之所殺害免是災難我今自命無所怖懼于時復有無數諸天女諸緊那羅女各各執持自然珍寶衆妙樂器而供養佛於虛空中復有種種天諸樂器簫笛箜篌琴瑟鼓吹如是天樂不鼓自鳴而供養佛復有諸樹所謂吉祥果樹阿摩羅果樹尼俱律陀樹波羅利樹如是等種種

相九

三  
山

諸樹皆悉自然出衆妙香復有百千天衆於虛空中恭敬禮拜同聲讚言善哉善哉我等今者獲大勝利散種種華燒種種香而供養佛人及非人亦以華香而供養佛是時四大天王同時合掌而白佛言世尊云何以此大明王經典佛之密印守護一切國土城邑聚落令得遠離諸不吉祥執魅之事佛告四大天王若諸比丘清淨嚴潔依法受持讀誦書寫供養如是人等所有一切怖畏一切怨家一切鬪戰枷鎌禁繫更相殺害更相是非種種災難不善之業永不復受若國土城邑聚落爲彼藥叉羅刹步多鬼神所惱亂者或於王宮或僧伽藍或居聚落或居莊園建曼拏羅結其地界清淨嚴潔當淨沐浴身著白衣食三白食令諸人民不食五辛受持禁戒於諸衆生起平等心憐愍心燒種種香塗香珠香散諸雜華而爲供養令諸童女清淨沐浴著新潔衣種種嚴飾手執四鈴持四寶椀

中滿盛供養飲食取平旦時誦此大明王陀羅尼加持白線滿六十兩即以神線掛在塔頂或安表刹或掛大樹從月一日至十五日讀誦此守護大千國土大明王陀羅尼經種種華香而爲供養如是國土王宮乃至娑羅林中青牛欄中及餘畜類所居之處掃除清淨嚴飾門戶周徧皆以香水散灑復以種種燒香熏之掘地作爐安住袞羅木燒爲護摩散諸雜華一切種子及白芥子擲散四方及擲火中以種種色自染其線繫門戶上令線下垂出入往還悉令安樂乃至畜生亦復如是又以此經書寫受持讀誦供養於高顯處而安置之使其國土一切人民皆獲安樂若有病者當以此經置其人前種種供養皆得安樂佛告四大天王若爲國土建曼拏羅當安佛像結跏趺坐以是密印安置其中及梵天王天帝釋護世四王如是等像各以密印安置其中及安魔醯首羅大藥叉將訶利帝山

母香華飲食種種供養即作是言我等今者敬奉三寶惟願大梵天王天帝釋護世四大天王及魔醯首羅大力大藥叉將并一切大威德藥叉等訶利帝母并其子及眷屬以如是等大威德大力諸天大誓願力故護持國界使我國土王及人民各并眷屬皆得解脫

一切災難令得安樂一切病者諸病痛惱令

其飲食悉變妙藥彼若餐服病得除愈發是願已即於佛像前梵王帝釋一一像前以四淨器上妙飲食自手捧持承事供養讀誦如是守護大千國土大明王經及念此大明王陀羅尼以是經典威神力故令其飲食悉如妙藥令其諸藥以真實故成甘露味即作是言訶利帝母大天身受我供養守護我等今得安樂如來大悲施我法藥甘露妙味令諸衆生病得除愈無飢渴想微鉢尸如來威神力除毒尸棄如來神通力除毒毗舍浮如來實語力除毒揭句村那如來禪定力除毒揭

諾迦牟尼如來智慧力除毒迦葉波如來變化力除毒我釋迦牟尼如來精進力除毒如是等諸佛如來實語力能變一切諸毒令如甘露能除衆生種種疾病令諸衆生獲得上味永離飢渴即使病人面東而坐其持明者授與彼藥在於掌中念此陀羅尼而加持之

相九

五

方

是時世尊即說陀羅尼曰

曩莫三滿路沒默引南唵引佉尾吒尾佉尾  
佉尾左麗引尾覽銘左麗引左羅縛帝  
引贊捺哩二合左羅泥引阿沒哩二合多顛哩  
二合灑婆縛引賀引

佛告四大天王以此陀羅尼威神功德加持力故寒熱風等一切疾疫悉皆除愈令我某甲并諸眷屬一切衆生皆得安樂若復有人以惡業故爲鬼所持作諸鬼病乃至一切惡瘡膿血者當爲彼人建立道場置護摩爐種種嚴飾燒衆名香散諸雜華令其病人若男若女清淨沐浴著新潔衣日夜不眠對持明

者爐兩邊立以佡祢木及以棗木以爲護摩及諸種子散擲四方及擲火中復以種種雜色神線繫於槍劍弓箭之上以此大明王陀羅尼而加持之安於壇內亦以種種苗稼華果之根擲彼火中亦以香水散灑火中想彼惡鬼以神線縛以劍截線想爲惡鬼令線極

碎擲入火中當欲擲時而作是言我今以此讀誦受持是守護大千國土大明王經佛之密印威神之力諸佛威力菩薩摩訶薩力辟支佛力阿羅漢力大梵天王及天帝釋護四大天王魔醯首羅大力藥叉將及餘一切大力藥叉訶利帝母并其子及眷屬如是不可思議威神之力以我釋迦牟尼無量精進大誓願力截斷於彼宿世怨結鬼神之業令汝解脫得安隱樂作是語已即以利劍碎截其線擲於火中所有鬼病悉皆除愈譬如金剛寶破惡堅貞如火燒薪如日乾木如風吹雲如來實語能滅世間種種惡業使諸鬼病

速得除滅即以種種塗香抹香種種播蓋而爲供養是時世尊即說陀羅尼曰

曩莫三滿路沒駛引南引唵引迦佡黎佡囉黎祖切祖賀尾合額惹縛麗引誠囉誠賀哩拏設引縛哩扇引底鉢羅合扇引底婆縛合引賀引默縛底婆縛引合賀引那誠引左相九

六

方

哩際二合婆縛二合賀引頗楞誠帝引婆縛  
引二合賀引薩縛迦引齋引哩那合妻引那額  
婆縛二合賀引薩縛迦引齋引哩那合地多  
引闍引沙地滿怛羅合尾灑喻誠薩縛祢引  
縛帶砌引祢多引末哩祢合多引唎切際多  
引阿波羅引唎多引婆縛二合賀引

復次四大天王若復有人爲毒所中及以一切痔漏癰疽諸惡重病我有陀羅尼能令諸毒悉皆除滅種種惡瘡及諸重病皆得除愈令其病人清淨沐浴著新潔衣嚴飾其身令念誦者處於高座誦此陀羅尼而加持之令得安樂以諸如來無量無邊大慈大悲力除

毒菩薩摩訶薩威德力除毒辟支佛神通力  
除毒聲聞受持一切神呪精進力除毒舍利  
弗智慧力除毒目乾連神通力除毒阿那律  
天眼力除毒大迦葉頭陀行力除毒憍陳如  
最初得道力除毒阿難多聞慈力除毒大梵  
天王及天帝釋富樂自在力除毒四大天王  
守護國界力除毒魔醯首羅大藥又將威猛  
力除毒訶利帝母并其子及眷屬精進威德  
思議大威神力攝伏彼毒令如甘露諸毒害  
心行不饒益者不敢違越皆起慈心護持國  
界令得安樂是時世尊即說陀羅尼曰

相九

七

山

曩莫三滿路引沒駄引南引唵引賀哩計引  
尸嚮枳禮曬醯哩引阿哩引半擎哩引揭吒  
計計引瑜哩引賀細賀細賀細伎覽細麼嚮  
誠賀嚮引婆嚮二合賀引婆目契引婆嚮二  
引賀引醯禮引婆嚮二合賀引弭禮婆嚮二  
引賀引

佛告四大天王以是陀羅尼加持力故一切  
諸毒悉皆除滅及諸毒種丁瘡漏瘡水腫疥  
癩及有惡瘡硬如鐵石如是七種極毒惡瘡  
受持此呪亦得除愈

貪欲瞋恚癢 是世間三毒 諸佛皆遠離  
實語毒消除 貪欲瞋恚癢 是世間三毒  
達摩皆遠離 實語毒消除 貪欲瞋恚癢  
是世間三毒 地為諸毒父 僧伽皆遠離  
地為諸毒母 實語毒消除 是以誠實言  
令毒悉消滅 所有種種毒 是以誠實言  
我等并眷屬 日夜常安樂 咎令却歸地  
是時世尊即說陀羅尼曰

曩莫三滿路沒駄引南引唵引布攏擎二播  
怛哩一合尾灑燄訖囉合魔覩婆嚮二合  
賀引

佛告四大天王有陀羅尼能伏一切怨敵若  
復有人於古塔像處聖人得道處諸天諸仙  
住處念此陀羅尼及讀誦受持守護大千國

土大明王經典則能遠離一切怨家諱訟更

相殺害能却他敵種種災禍危難之事

諸佛威神力 降伏諸魔怨 正法威神力

破滅於非法

僧伽威神力 降伏諸外道

亦如天帝釋 破壞阿脩羅

能障於滿月 亦如果日輪

能竭於海水

如火燒衆木 如水滅諸火

如風除雲曠 譬如金剛寶

能破惡堅貞

諸天住誠實 地居亦如是

佛法并僧伽 以是真實住

即說陀羅尼曰

曩莫三滿跋沒駛引南 喪引 阿沒哩合 帝

引阿伐囉二合 補瑟闍二合 廉虎頗禮引 須縛引

八山

若逢怨賊執刀杖 刀杖段壞墮於地

是人究竟無所傷 一切宿業皆消滅

是時世尊說此伽他已諸天天衆即於佛前

說伽他曰

我等一心歸命禮 三世一切諸如來

歸命牟尼真實言 彙命不退菩薩衆

恒以智慧方便力 安住衆生實際中

我等一切諸有情 所作事業悉成就

是時大梵天王及諸梵王起立合掌讚言世

尊善說如是守護大千國土大明王陀羅尼

甚深經典佛之密印佛爲法王與諸衆生施

無畏者爲欲利益一切世間童男童女得安

山

毗盧遮那大日主

阿閦如來及寶生

無量壽佛勝成就

皆号金剛持明王

觀自在等八菩薩

恒爲衆生作依護

彼恭敬者離執魅

解脫水火及刀杖

若有忽遭王難苦

是人臨欲損其形

憶念觀音自在名

彼刀杖尋段段壞

樂故令諸世間童男童女不爲羅刹而損壞  
故使我世間人種不斷故此南閻浮提一切  
衆生最初聞佛說是法要最爲殊勝此閻浮  
提一切諸佛諸大菩薩聲聞緣覺五通神仙  
護世四天王一切諸天恒常集會世尊有諸  
羅刹常食人胎彼諸羅刹無人能知無能制  
伏一切衆生無有子息及不受胎此諸羅刹  
常求其便候彼男女和合之時吸其精氣使  
不受胎斷滅人種及羯邏藍次案部談令彼  
女人其胎傷損我今說此諸羅刹衆各各名  
字惟願世尊聽我所說一名曼祖二名鹿王  
三名塞犍二那四名阿鉢婆麼二嚩五名母  
瑟致二迦六名麼怛哩二迦七名惹弭迦八  
名迦弭額九名黎磾帝十名布單那十一名  
麼怛哩二難那十二名燦俱額十三名建姥  
播底額十四名目併滿泥十五名阿監麼如  
是等諸羅刹晝夜巡行於一切處現可畏形  
作諸執魅持彼童男童女種種疾病使其男

女現種種相若曼祖計及鹿王魅者令惡吐  
迷塞健合<sub>二</sub>那魅者小兒搖頭阿鉢娑麼<sub>二</sub>合囉  
魅者口吐涎沫母瑟致<sub>二</sub>迦魅者手指拳縮  
麼底哩<sub>二</sub>合迦魅者長喘而喫惹弭迦魅者不  
飲其乳迦弭顛魅者睡即驚怖悟即啼哭黎  
縛底魅者常咬其舌布單那魅者噏氣咳嗽  
麼底哩<sub>二</sub>合難那魅者作種種色燦俱顛魅者  
輿諸臭穢建姥播搥魅者咽喉閉塞目併滿  
搥魅者口頰戚縮阿監麼魅者小兒餒嚙如  
是等諸大羅刹復現種種可畏之狀令諸童  
男童女恒常驚怖曼祖計現形如牛鹿王其  
形如鹿塞健合<sub>二</sub>那狀如童子阿鉢娑麼<sub>二</sub>囉  
形如狩狗母瑟致<sub>二</sub>迦其形如烏麼底哩<sub>二</sub>  
迦其形如羖羊惹弭迦現形如馬迦弭顛者  
其狀如驢黎縛底者現形如狗布單那者形  
如鸚鵡麼底哩<sub>二</sub>合難那形如猫兒燦俱顛者  
形如飛鳥建蛇播搥其形如鷄目怯滿搥形  
如樵狐阿監麼者其形如雉如是等諸大羅

相九

剝起毒害心常於人間現如是相驚怖小兒

盜而食之破壞其胎令胎傷損此羅刹衆若  
有聞此守護大千國土大明王經佛之密印  
而不隨順違越之者我有彦達縛大藥叉將  
名栴檀香彼栴檀香即遣使者速疾往彼如  
彈指頃即以羅索五處繫縛將來至此以是

大明王而謫罰之是時大梵天王合掌恭敬

而作是言世尊彼等是步多眷屬常於世間  
破壞人種我今佛前設大誓願若有女人求  
於子息受持戒法歸依三寶清淨沐浴著新  
潔衣於月八日或十四日於塔像前以香塗  
地建曼拏羅於中夜分入於道場香華燈塗  
種種供養其所供養悉使充滿無令乏少呪  
五色線一呪一結如是加持滿一百結及白  
芥子令彼女人受持項戴即得子息若有人  
能建此道場十二年中我自守護令諸世間  
童男童女離諸災難不祥之事若諸羅刹違  
越此經我自謫罰諸羅刹衆頭破七分其身

碎壞猶如微塵即說呪曰

曩謨引沒駄野曩謨引達麼野曩謨引僧伽  
野怛你也<sub>二</sub>合他唵引阿擬引曩擬婆嚩嚩引  
伊難祢尾難祢戍嚩嚩擬哩誠嚩哩誠嚩哩  
誠嚩擬哩誠嚩擬哩誠哩引路引左嚩引母嚩醯  
阿虎哩引鉢囉<sub>二</sub>合揭哩沙<sub>二</sub>合搥娑嚩<sub>二</sub>合  
引相九

山

賀引

是時大梵天王說是呪已作如是言由此神  
呪威神力故令其胎藏速得成就處胎安樂  
增長諸根悉令圓滿產生安樂其子生已燒  
安息香及白芥子以此神呪呢雜色線繫兒  
身上令彼男女壽命長遠是時世尊正徧知  
者爲欲擁護一切世間童男童女處胎安樂  
離諸患難即說陀羅尼曰

曩莫三滿蹊沒駄南引唵引冒引地冒引默  
引努麼帝引頗擺禮嚩虎頗賴引識乞叉<sub>二</sub>  
引識乞叉<sub>二</sub>合婆引羅嚩帝引婆引識禮引努  
羅婆<sub>二</sub>合引鉢囉<sub>二</sub>合鉢帝<sub>二</sub>合素囉麼

帝引婆擬婆識引婆擬引婆擬額引額縛引  
羅掘引婆縛二合賀引

世尊說此陀羅尼已彼等諸魅一十五種大  
羅刹衆合掌向佛而作是言我等羅刹常啖  
血肉惱觸於人我今聞佛說此陀羅尼若諸  
世間一切舍宅及以村落有是經典所在之

處我當守護不敢違越若諸男女處胎安樂  
使無災難奉佛教勑如佛無異時彼羅刹即  
說呪曰

曩謨引婆識縛帝沒駄引野曩謨引沒羅二  
合  
憾麼合掘引悉鉢觀滿怛羅二合野那引婆多  
二合  
引羅曳凍尾你演引鎰沒羅二合憾麼合

引曩麼寫覩婆縛二合賀引

是時毗沙門天王即從座起偏袒右肩頂禮  
佛足合掌恭敬而白佛言世尊若有一切聲  
聞弟子能於此經典受持讀誦以諸多聞智  
慧方便爲人解說亦以此經起塔供養而爲  
利益一切衆生於月八日及十四日十五日

應當依法建曼拏羅作大供養受持讀誦如  
是經典我等四王常於此日令彼藥叉羅刹  
步多鬼神立於我前點其名字無令惱亂受  
持如是守護大千國土大明王陀羅尼經者  
世尊彼諸聲聞若常受持如是經典乃至爲  
人解說此聲聞衆我等兄弟四大天王現其  
相九

山主

人前常爲給使衣服卧具飲食湯藥一切所  
須無令乏少如是人等爲諸衆生恭敬供養  
尊重讚歎亦爲一切國王王子沙門婆羅門  
在家出家及諸外道恭敬供養尊重讚歎諸  
善男子善女人及諸親友發歡喜心恭敬供  
養隨所樂欲衣服卧具種種勝妙莊嚴之具  
悉得充足彼諸聲聞常與一切善友同和不  
隨惡友不生邊地不住邊地不去邊地亦復  
不作邊地之業世尊若復有人爲彼藥叉羅  
刹步多鬼神所魅之者當於彼前讀誦如是  
守護大千國土大明王經及謂被人分別解  
說我時四大天王廣大兄弟自隱其身守護

彼人使得安樂悉令解脫一切執魅不吉祥事世尊若復有人於己舍宅一日一夜讀誦如是守護大千國土大明王經是人舍宅一歲之中無諸衆患不吉祥事世尊若復有人常能受持此守護大千國土大明王經者我等四王常現其前恭敬供養云何爲彼藥叉

羅刹步多鬼神而得其便世尊如是真言句義甚深廣博無有窮盡亦難值遇於此大明王平等法印受持之者如是人等於諸世間甚爲難得最上最勝最爲第一

是時千眼帝釋天主頂禮合掌白佛言世尊善說如是守護大千國土大明王甚深經典

相六

十三

山

我爲安樂一切世間諸衆生故今於佛前說此真言明藥等分和合所謂

尸利沙華一麼耶麼

引二

哩譏二合

怛譏覽

江羅

切揭諾迦

四優曇鉢羅

五勢引

隸野六弭那

鵝七吟瑟姥

二素迦利八末哩迦

二合蘇九惹

野波哩閉羅網十羅僧尾羅

一十三麼哩迦

合二嚩十識羅臘婆三十一贊那曩叶縛哩多二劍五俱瑟姹合曩欠六十跋怛覽十七合揭鵠吒鉢力三合迦引一婆哩沙二播十九虞噜引左曩二飈十四恒縛合晉縛晉四十供俱莽五十醯孕

切識二十一

如是諸藥及其諸色調和一處念陀羅尼而加持之若以此藥著燈燭中燈所照處一切藥又羅刹步多鬼神皆悉遠離若以此藥點其眼中眼所見處諸步多衆皆悉馳走捨離其處若復有人爲彼一切藥又羅刹步多鬼神之所魅者亦以此藥塗彼身上諸步多衆不敢違越放彼精神即得痊愈若以此藥塗於樹上及佛塔上彼步多衆見虛空中兩大火燄猶如金剛心生怕怖捨離本處或於樂器簫笛箜篌及以角貝鈴鐸鍾鼓世間所有出聲之物若以此藥塗之於上聲所震處藥叉羅刹步多鬼神皆悉怕怖馳散而走若塗

飛鳥羽翼之上國土城邑所到之處藥叉羅

刹步多鬼神皆悉怕怖馳散而走乃至窮極無有方所是諸飛鳥捨其身已更不復受傍生之身若置山岳江河陂池一切方所隨處置藥一切藥叉羅刹步多鬼神皆悉遠離百由旬內無諸災難人民安樂若復有人入於

戰陣塗於身上無所傷損常得其勝必獲安樂若復有人蛇蝎蟻蟲即令彼人速疾服食其毒消散若復有人痔漏癰疽種種惡瘡塗之得愈若復有人常塗其身是人遠離一切災難增益國界王及人民若見有人諍訟之

處以藥威力兩得和解非成就事亦得成就

相九山

令貧匱者悉得富饒無子息者悉得如意無辯慧者亦得辯慧若復有人恒常誦持此陀羅尼現身成就飛仙之位此陀羅尼亦名果樹成就人天種種功德智慧之果能令衆生離諸災難得安隱樂吉祥之果此陀羅尼甚深句義於諸世間無與等者千眼帝釋即於

佛前說陀羅尼曰

義謨引沒駁引野曩謨引達磨野曩謨引僧伽野怛你也合他唵引阿引骨嚕二合弥引尾骨嚕二合引步多鶩引曬引步燈誠弭引称引四引你縛駄哩駄哩那地你曩弭引驅怯怯怯娑引見識弭贊捺哩二合搜波麗引迦

禮你迦禮賀引哩掯婆縛二合薩縛播引閉引毗喻二合麼麼阿醯謗引颶波哩縛引囉寫薩縛薩怛縛二合難引左薩縛祢擬毗藥合三婆縛二合賀引你賀多引你薩縛播波你

娑縛二合賀引

時千眼帝釋說此陀羅尼已被大梵天王天

帝釋護世四王魔醯首羅大藥叉將訶利帝母并其子及眷屬俱即於佛前起立合掌異

口同音而說偈言

佛面猶如淨滿月 亦如千日放光明

諸天及人阿脩羅 如是世間無與等不可思議最勝智 藥叉羅刹悉調伏

相九

十五山

名爲解脫持明王 守護大千諸國土  
無量無邊功德海 流出清淨總持門  
利樂一切諸衆生 令得最上勝悉地  
誓首丈夫無所畏 誓首調御天人師  
不可思議大法王 是故我今歸命禮  
是時世尊於正午時從彼而起告諸比丘言  
汝等比丘諦聽諦聽此守護大千國土大明  
王陀羅尼經若復有人受持讀誦爲人解說  
如是人等捨此身已得生諸天受勝妙樂若  
在人間長夜安隱所生之處爲諸衆生之所  
愛敬若有比丘以此守護大千國土大明王  
陀羅尼經加持枯樹以是經典威神力故彼  
諸枯樹火不能燒復得生長枝葉華果如是  
等比以是經典威神力故尚獲種種勝妙果  
報若諸衆生過去所作身語意等諸惡業因  
以是經典威神之力云何不滅

佛告諸比丘我此經典總有五種眷屬部類  
如是次第所謂守護大千國土大明王陀羅

尼經佛母大孔雀明王經尸多林經大隨求  
陀羅尼經大威德神呪經如是等皆爲一切  
如來降伏諸魔調難調者息諸衆生種種災  
變護持佛法及諸國界速疾法門如來往昔  
以如是等諸陀羅尼門甚深經典恒常乞食  
遠離五辛修瑜伽行降伏魔軍成等正覺於  
是毗沙門天王作是言世尊未來世中諸比  
丘衆不食五辛恒常乞食於此經典有受持  
者不佛言云何毗沙門言如是之人甚爲難  
得佛言未來世中諸出家者不食五辛恒常  
乞食依法受持此守護大千國土大明王陀  
羅尼經者其數無量毗沙門天王言世尊若  
未來世有諸比丘不食五辛恒常乞食依法  
受持此守護大千國土大明王陀羅尼經者  
我等四王常當擁護承事供養是時世尊告  
諸比丘作如是言汝等及未來世諸比丘衆  
不食五辛不貪美味恒常乞食於此經典受  
持讀誦爲人解說如是人等於一切處常得

相九

十六

其勝是人速疾得大總持自護其身及護他人若諸比丘不食五辛恒常乞食應當一心如是觀察應觀無常苦空無我以無常故云何五辛以無我故誰爲受者若諸比丘爲欲守護國土城邑及爲利益諸衆生者於月八日或十四日或白月十五日建曼拏羅於豪貴家取一童女其心清淨信樂大乘人相具足智慧明了者清淨沐浴著新潔衣種種嚴飾受持五戒一日一夜清齋不食以七色絲作四合線以此陀羅尼而加持之即結其線成一百結復以利刀碎截其線擲入寶碗碗中致水以華覆之塗香燒香種種供養讀誦是經及念此陀羅尼而加持之擲線碗中當結線時以梵音聲作如是言我依釋迦牟尼佛受持如是守護大千國土大明王陀羅尼經令一切世間種種諸毒入山石間微鉢尸佛戶棄佛毗舍浮佛拘留孫佛拘那含牟尼佛迦葉佛我釋迦牟尼以如是等諸佛如來

正編知者威神力故能除毒令毒入地令此國土王及人民離諸怖畏獲得安樂索訶世界主大梵天王及天帝釋護世四王摩詰跋捺嚩<sub>二合</sub>大藥叉將魔醯首羅黑贊擎利大羅刹女願以如是等大威德大力諸天受此香華飲食周遍供養使一切毒悉皆消滅令此國土王及人民離諸怖畏獲得安樂於時世尊即說陀羅尼曰

曩莫三滿跋沒駄<sub>引南</sub>唵<sub>引</sub>佉佉銘<sub>引</sub>尸銘<sub>引</sub>尸尾<sub>引</sub>尸虎顱<sub>引</sub>尸摩尸銘<sub>引</sub>婆嚩<sub>二合</sub>悉底<sub>二合</sub>娑嚩<sub>二合</sub>悉底<sub>二合</sub>扇<sub>引</sub>底扇<sub>引</sub>底娑嚩<sub>引</sub>佉哩<sub>二合</sub>半丸<sub>引</sub>弭沙僧悉瑟咤<sub>二合</sub>野他<sub>引</sub>賀<sub>引</sub>覽額羅<sub>引</sub>弭衫曳曩那識因<sub>二合</sub>野他<sub>引</sub>素怛覽<sub>二合</sub>薩底談<sub>二合</sub>俱哩晚<sub>二合</sub>覩多<sub>引</sub>祢哩<sub>二合</sub>商怛你也<sub>二合</sub>他迦黎<sub>引</sub>迦擇黎<sub>引</sub>舍路銘<sub>引</sub>阿擬你<sub>合</sub>僧訖嚩<sub>二合</sub>麼搥婆嚩<sub>二合</sub>賀<sub>引</sub>曩謨微鉢尸佛戶棄佛毗舍浮佛拘留孫佛拘那含牟尼佛迦葉佛我釋迦牟尼佛憍答

摩七佛正徧知者我悉歸命彼諸如來香華  
飲食運心供養以如是等諸佛如來廣大威  
德神通之力滿我所願令得安樂佛說此經  
已諸比丘衆大梵天王及天帝釋護世四王  
諸天人民聞佛所說皆大歡喜禮佛而退

十一末

方

佛說守護大千國土經卷下

相九

罕俗字罕反顥思才殞滅上羽反槍稍上七羊反  
接上蒸字接反嚙觸皆聲反嚙帝上而祭反咎音古父鑑登  
嚙竹皆聲反嚙遷藍舍反嚙謂父母和合精血於七日中凝滑如酥酪也  
蠶上音哲下呼各反蹙縮上秋反拳縮貞上反巨滑郎字  
蠶蟲行毒也涎沫連反拳縮貞上反巨滑郎字